



Pensionet e detyrueshme profesionale

Të prezantohet në vitin 2006



FINANSDEPARTEMENTET

Ministry of Finance



Ligji që ka të bëjë me pensionet e detyrueshme profesionale ka hyrë në fuqi më 1 janar 2006.

Ligji do të thotë që shumica e punëdhënësve duhet të kenë një program të pensionit të detyrueshëm profesional për punonjësit e tyre. Punëdhënësit që tashmë e kanë një program të pensionit të detyrueshëm duhet të sigurojnë që programi plotëson kërkesat minimale të Ligjit. Ligji nuk është i vlefshëm për punëdhënësit që kanë një program pensioni në përputhje me legjislacionin ose marrëveshjet e përbashkëta që aplikohen tek punonjësit e punës shtetërore ose të autoritetit vendor.

Prezantimi i pensioneve të detyrueshme profesionale është një kontribut i rëndësishëm në përpjekjet për t'i siguruar gjithkujt një pension të përshtatshëm, dhe kjo do të sigurojë që shumica e punëdhënësve të fitojnë të drejta pensioni, të cilat plotësojnë pensionin e Sigurancionit Kombëtar.

Rreth pensionit të detyrueshëm profesional

Punëdhënësit duhet të kenë një program të kontributit të caktuar ose një program pensioni të asistencës së caktuar. Programet e asistencës së caktuar sigurojnë asistencë të paracaktuar, zakonisht një përqindje të caktuar të rrogës së anëtarit të dalë në pension. Në programet e kontributit të caktuar, punëdhënësit paguajnë një kontribut të paracaktuar vjetor. Programet e kontributit të caktuar ofrohen nga bankat, kompanitë e sigurimit të jetës, fondet e pensionit dhe nga kompanitë që administrojnë fondet e sigurisë. Programet e asistencës së caktuar ofrohen nga kompanitë e sigurimit të jetës dhe nga fondet e pensionit.

Punëdhënësit do të paguajnë kontribute çdo vit në program, në mënyrë që punonjësit të fitojnë të drejtat e pensionit. Në programin e kontributit të caktuar, kontributi duhet të jetë të paktën dy për qind e fitimit të punonjësit midis 1 G dhe 12 G (G = Shuma bazë e Sigurimit Kombëtar). Tek programet e asistencës së caktuar aplikohet një kërkesë korresponduese. Përveç kontributit, programi i pensionit do të përmbajë gjithashtu një element sigurimi që siguron që punonjësit do të vazhdojnë të fitojnë të drejta pensioni dhe në rast paafësie. Është e lejueshme që nga programi i pensionit të përjashtohen punonjësit nën moshën 20 vjeç dhe ata që punojnë me orar të reduktuar, më pak se 20 për qind nga pozita me orar të plotë. Punonjësit mund t'u kërket gjithashtu të kontribuojnë në pensionet e tyre, por kontribute të tilla nuk do të ulin kërkesën minimale për kontributet e punëdhënësve. Punëdhënësit janë të detyruar gjithashtu të mbulojnë shpenzimet e administrimit të programit të pensionit.



Rregulli kryesor është që pensionet duhet të paguhen të paktën për 10 vjet nga mosha 67 vjeçare. Shuma e pensionit vjetor do të jetë në varësi të disa faktorëve. Tek programet e kontributit, pagesat e pensionit do të jenë në varësi të shumës së kontributit, numrit të viteve të pagesës së kontributeve, kthimit të vlerave të pensionit dhe kohëzgjatjes së periudhës gjatë së cilës është paguar pensioni. Në programet e asistencës së caktuar, pensioni zakonisht do të parashikohet si një përqindje e caktuar e rrogës së punonjësit kur del në pension. Prandaj shumja e pensionit vjetor do të jetë në varësi të viteve të punës së punonjësit dhe rrogës së tij/saj kur të dalë në pension.

Punëdhënësit që kanë për qëllim të krijojnë një program pensioni

Shoqatat e punëdhënësve dhe sindikatat profesionale ndoshta do të jenë të gatshme t'ju ndihmojnë me informata. Nga shumë prej tyre gjithashtu pritet që të hyjnë në diskutime në emër të anëtarëve të tyre për këto programe. Gjithashtu është e mundur të kontaktoni me siguruesit e ndryshëm të programeve të pensionit të kontributeve të caktuara dhe atyre të asistencës së caktuar profesionale.

Punëdhënësit që tashmë e kanë një program pensioni

Në përgjithësi, kërkesat minimale të pensioneve të detyrueshme profesionale janë të vlefshme për të gjithë punëdhënësit e siguruar nga Ligji. Kjo do të thotë që programet e pensionit profesional që janë krijuar para se të hynte në fuqi Ligji i pensioneve profesionale, janë gjithashtu të detyruara të zbatojnë kërkesat e parashikuara minimale. Prandaj punëdhënësit duhet të kontrollojnë që programet e tyre janë në përputhje me kërkesat minimale.

Programi do të hyjë në fuqi jo më vonë se data 1 korrik 2006.

Afati për krijimin e një programi të pensionit profesional që plotëson kërkesat minimale është data 31 dhjetor 2006, por programi do të hyjë në fuqi ekonomiksht për punonjësit që nga data 1 korrik 2006.

Kjo broshurë është e disponueshme në disa gjuhë.

Për të porositur një version të printuar të broshurës, ju lutemi të kontaktoni tek: info@finans.dep.no

Lexoni më tepër për pensionet e detyrueshme profesionale në faqen

www.pensjonsreform.no/otp

